



## Legitimasie 2021

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**In die Sint Pieterskerk in Leuven, België is daar 'n pragtige preekstoel uit hout gemaak met merkwaardige beelde wat 'n kragtige boodskap uitdra.**

Wanneer die agterkant van die preekstoel bestyg word, is daar 'n beeld van Petrus wat stip na 'n hoenderhaan kyk. Dit het my laat wonder hoeveel predikers al met bestyging van hierdie kansel 'n oomblik geaarsel en skalks gewonder het of hul preek 'n hanekraai sal vryspring.

Aan die voorkant van die kansel is daar 'n ruiter wat van 'n perd afval en 'n eekhorinkie wat verskrik die bome invlug. Met eerste aanskoue herinner dit aan Paulus en sy Damaskuservaring, maar skynbaar is die gevalle ruiter 'n biskop met die naam Norbertus uit die 12de eeu. Tog sal geen toeskouer verkwalik word wat steeds die beeldwerk aan Paulus en sy bekeringsmoment op pad na Damaskus toe koppel nie.

[Kyk gerus na die beeldwerke by <https://www.discoveringbelgium.com/st-peters-church-leuven/>.]

Bogenoemde kan goedsikks op legitimasie asook elke proponent en predikant se prediking van toepassing gemaak word. Die aanvaarding van die belydenisskrifte en onderwerping aan die Kerkorde, en deesdae ook die etiese kode vir predikante, word juis tydens legitimasie onderteken en lui soos volg: *Ek verklaar hiermee dat ek die leer wat uitgedruk is in die formuliere van eenheid, naamlik die Nederlandse Geloofsbelydenis, die Heidelbergse Kategismus en die Dordtse Leerreëls, van harte onderskryf en dat ek daarvan vas oortuig is en glo dat dit in ooreenstemming is met die Woord van God. Ek beloof om in hierdie leer te volhard en my in my verkondiging hierdeur te laat lei. Ek beloof om my te hou aan die Kerkorde van die Nederduitsch Hervormde Kerk van Afrika. By oortreding daarvan sal ek my onderwerp aan die oordeel van die bevoegde kerklike vergaderings.*

Die proponentsondertekeningsformule bied genoeg rede om altyd by die bestyging van die kansel te aarsel. Dit is immers 'n vaste gebruik by predikante om 'n oomblik by die trappies van die kansel te weifel, die kop te laat sak en 'n gebed te doen. Vandat ek Petrus en die hoenderhaan met my eie oë in Leuven gesien het, bring dit 'n nuwe dimensie by my, en is ek nog meer aarselend elke keer as ek die kansel bestyg omdat ek op geen manier Jesus wil verloën nie.

Die voorkant van die kansel in die Sint Pieterskerk dra die versugting dat daar altyd bekeringsmomente tydens eredienste sal plaasvind. Soms 'n Damaskusmoment soos in Paulus se geval. Ander kere dalk minder dramaties, maar tog met bekering en dankbare voorneme wat hand aan hand gaan. 'n Blinkoog proponent mag dalk na meer sigbare en hoorbare resultate smag. Dit gebeur nie altyd nie. Dikwels is dit in die onverwagse oomblikke, dalk tydens huisbesoek of pastorale gesprekke, waar gespreksgenote laat blyk dat 'n preek tog iewers getref het. Vir 'n predikant is dit 'n bemoedigende bevestiging dat Geesvervulde arbeid tydens die voorbereiding van elke erediens vrug afwerp.

Donderdagmiddag word studente Hanri Aucamp en Yvette (Marais) Scholtz by Philadelphia gelegitimeer. Prof Yolanda Dreyer sal die erediens waarneem, waarna die ondertekening sal plaasvind. Hanri Aucamp ontvang toekennings in al die vakdisiplines. Sy ontvang die Cules Boshoff-erepenning en die toekenning vir akademiese prestasie – 80,2% vir die BDiv-grad en 75,11% vir die MDiv-grad ('n gemiddeld dus van 77,66% vir die twee grade).

Aan Hanri en Yvette: Hou die hoenderhaan in die agterkop, en mag jul verkondiging tot vele bekeringsmomente lei.

**Dr André Ungerer**  
**Hoof: Hervormde Teologiese Kollege**

## Lief en leed

- **Mev Issie Koekemoer** (82), vrou van emerituspredikant prof JH (Johan) Koekemoer, is Vrydag 12 November tuis in sy arms oorlede. Die roudiens vind plaas op Vrydag 19 November om 11:00 vanuit die kerkgebou van Gemeente Selcourt en sal gelei word deur ds Dalene Lourens. Dr Rudy Denton sal die Kommissie van die AKV verteenwoordig. Ons innige simpatie gaan aan prof Koekemoer en hul familie.

- **Prof MJ du P (Bieks) Beukes** laat weet soos volg: “Na baie maande, nee meer as ’n jaar, kon ons as vriende en kollegas weer op 9 November bymekaar kom. Die vreugde was groot. Met woorde en gedagtes het ons ons wonderlike saamwees as teologiesdosente by UP in die laat 1990’s herleef. Ons kon ook lank en breed praat oor die welwese van ons gesinne. Groot was die skok en die hartseer daarom toe ons enkele dae daarna van die afsterwe van mev Issie Koekemoer moes verneem. As kollegas en vriende bid ons prof Johan, sy kinders en kleinkinders die groot genade van die Here toe.” **Op die foto** is kloksgewys van links voor prof GMM (Gert) Pelser, prof MJ du P (Bieks) Beukes, prof LJS (Lourens) Steenkamp en prof JH (Johan) Koekemoer.



- **Ds DW (Danie) van der Watt** sal sy akte van emeritaat op **Sondag 21 November** by **Gemeente Dullstroom** in ontvangs neem. Prof Wim Dreyer sal die geleentheid namens die Kommissie van die AKV bywoon. Na ds Van der Watt se afstudering aan die einde van 1982 het hy gedurende daardie Desember op versoek ’n erediens in Dullstroom waargeneem. Dit was sy eerste erediens in die wyer Kerk. Nou, aan die einde van sy bedieningstyd in die Kerk, is dit vir hom ’n voorreg om sy aftreejare as’t ware daar te begin... Hy het ook belange in die Dullstroom-omgewing, en omdat hy en sy vrou, Linda, feitlik elke naweek daar deurbring, het hulle by Gemeente Dullstroom begin inskakel waar hy ook by tye die erediens waarneem.



Ds Johan du Preez

- **Ds JP (Johan) du Preez** van **Gemeente Van der Hoff** vier op **Sondag 21 November** sy 25-jaar-jubileum. Tydens die geleentheid sal die gemeente se finalejaarkatkisante ook hul eerste Nagmaal gebruik tydens ’n loop-Nagmaal aan die einde van die diens.
- **Die volgende predikante verjaar tot 26 November 2021, en word hartlik geluk gewens:**
  - Saterdag 20 November: Prof J (Johan) Buitendag (68) (emeritus) en ds CJA (Cornie) Pieterse (73) (emeritus)
  - Maandag 22 November: Dr PB (Piet) Boshoff (72) (emeritus), di LS (Lammert) van Rooyen (53) (Lichtenburg-Oos) en PR (Rudi) Janse van Rensburg (28) (Weltevreden)
  - Dinsdag 23 November: Di ME (Mariaan) Beukes (59) (Meyerton/Sonlandpark) en HS (Henk) Joubert (59) (Welgelegen-Pietersburg)
  - Woensdag 24 November: Di CAP (Neels) van Tonder (65) (Warmbad) en JJ (Jacques) Pieterse (53) (Laer Suidkus)
  - Vrydag 26 November: Ds GJ (Gert) van Staden (74) (emeritus)

## Gemeentes en bediening

- Die laaste uitgawe van **Blitspos** vanjaar is dié van 9 Desember, en die eerste uitgawe van 2022 dié van 13 Januarie. Die **Sinodale Dienssentrum sluit** op Woensdag 15 Desember 2021 en **heropen** op Maandag 3 Januarie 2022.

- **Gemeente Groot Marico se eredienstyd** het verander van 09:30 na **10:00**.
- **VAKANTE WERKRUIMTE: Gemeente Carletonville.** Aansoeke word ingewag van 'n gelegitimeerde predikant van die NHKA wat hierdie werkruiimte deelyds kan bedien.

**Gemeenteprofiel:** Die gemeente bestaan sedert 1958 en is een van twee NHKA-gemeentes in Carletonville. Die sieletal is tans ongeveer 365. Die ouderdomsprofiel is redelik verspreid, met 'n gemiddelde ouderdom van 57 jaar. Die gemeente beskik oor 'n doelmatige kompleks bestaande uit 'n kerkgebou, saal en kombuis, asook 'n ruim, gerieflike pastorie.

**Leraarprofiel:** Die geskikte kandidaat se lewe moet getuig van 'n passiewolle verhouding met God. Liturgies goed voorbereide, Gees-ervulde eredienste is vir die gemeente ononderhandelbaar. Die gemeente verwag van aansoekers om 'n erediens in die gemeente waar te neem en die volgende vraelyste te voltooi en terug te stuur:

- Persoonlike inligting.
- MBTI-persoonlikheidsprofiel.
- Spiritualiteitstipe.

**Aansoeke sluit op 30 November 2021** en moet vergesel wees van 'n verkorte CV wat die kontakbesonderhede van minstens twee referente insluit. Dit moet gestuur word aan die Adminbeampte, [nhkacville2@gmail.com](mailto:nhkacville2@gmail.com). Die Kerkraad behou die reg – indien so besluit – om nie een van die aansoekers te beroep nie.

- **VAKANTE WERKRUIMTE: Gemeente Centurion-Oos.** Aansoeke word ingewag van 'n gelegitimeerde predikant van die NHKA vir die voltydse standplaas van hierdie gemeente wat op 1 Desember 2021 vakant sal raak.

#### **Gemeenteprofiel**

Gemeente Centurion-Oos is een van agt Hervormde gemeentes in die ring van Pretoria-Wes. Die gemeente is in 1965 gestig. Die sieletal van die gemeente is sowat 741, waarvan 606 belydende lidmate is. Die ouderdomsgroepering is redelik verspreid, met die grootste aantal lidmate in die groep bo 40. Die gemeente beskik oor 'n doelmatige kompleks bestaande uit 'n kerkgebou, saal met kombuis en kategeselokale. Die gemeente beskik oor 'n ruim vierslaapkamerpastorie met 'n gevestigde tuin in 'n woongebied weg van die kerkgebou af.

Hierdie tipies voorstedelike gemeente bedien Lyttelton, Doringkloof, Zwartkop, Pierre van Ryneveld, Hennopspark, Clubview, Highveld, Monumentpark, Irene, Kloofsig en Ecopark.

Die gemeente word bedien deur 'n voltydse predikant, 'n deelydse predikant en twee ingekontrakteerde predikante met spesifieke opdrag. Die gemeente is bekend vir luisterryke eredienste, gemeentesang, warm liefde en uitreik na mekaar en die gemeenskap, en bo alles vir verrykende toerusting in die vorm van Bybelstudie, Bybelskole, aanlyn kursusse en prediking.

#### **Waardes**

- 'n Lewende verhouding met God.
- Navolging van Jesus Christus.
- Oop vir die leiding van die Heilige Gees.
- Geestelike groei.
- Diensbaarheid.
- Onderlinge gemeenskap van gelowiges (*koinonia*).
- Ononderhandelbare Bybelse beginsels.
- Kritiese Skrifbeskouing.
- Dinamiese, relevante bedieningsmetodes.
- Uitnemendheid.

#### **Visie**

God gepeer as Koning en laat ons toe om deel van sy koninkryk te wees:

- God roep ons om sy koninkryk sigbaar te maak in die wêreld.
  - Ons word verdiep in die geloof deur die werking van die Woord en Gees.
  - Ons is dissipels wat dissipels maak wat dissipels maak.
  - Ons is 'n geloofsgemeenskap gekenmerk deur warmte, liefde en gasvryheid.
  - Ons is 'n gemeente wat met omgee en troos uitreik na die wêreld.
- Ons is deel van talle geloofsgemeenskappe wat dien in die koninkryk van God.

### Missie

Ons missie is om ons Heer en Verlosser te eer, deur bewustelik die gemeente voortdurend met Woord en Gees (geestelik) op te bou as dissipels wat –

- omgee vir mekaar en die gemeenskap;
- mekaar en die gemeenskap bedien met die gawes wat die Heilige Gees vir elkeen gee;
- besorg is daarvoor dat alle mense binne hul werk- en lewensterrein voortdurend na God sal terugkeer; en
- dissipels maak.

### Posbeskrywing

Dit is 'n voltydse standplaas met verantwoordelikhede soos in die Kerkorde omskryf. Vergoeding, reiskoste, mediese fonds en pensioen sal volgens die voorgeskrewe skale en die Kerkorde se voorskrifte hanteer word, met inagneming van die leraar se aantal jare diens. Voorts sal die leraar ook van 'n selfoontoelaag voorsien word. Die leraar kan 'n keuse uitoefen of hy/sy die pastorie wil bewoon of self behuising wil voorsien, in welke geval 'n onderhandelde behuisingssubsidie en betaalde munisipale dienste en tuindienste verskaf sal word.

### Aansoeke

**Aansoeke sluit op 1 Desember 2021.** Aansoeke moet vergesel wees van 'n verkorte CV en gestuur word aan die skriba, Andries Steyn, by [andries@zonemail.co.za](mailto:andries@zonemail.co.za). Navrae kan aan die skriba gerig word (082 800 6800). Die Kerkraad behou die reg voor om nie een van die aansoekers te beroep nie, of 'n leraar wat nie aansoek gedoen het nie, uit te nooi om 'n CV aan die Kerkraad te stuur vir oorweging vir die vulling van die vakature.

- **Gemeente Randburg** het 'n **preekgeleentheid** beskikbaar vir **19 Desember**. Kontak ds Jaco van Sittert by [jacovs@nhk-randburg.co.za](mailto:jacovs@nhk-randburg.co.za) of die sekretariële beampte, mev Elna van der Walt, by 011 787 4983.
- **Gemeente Witrivier** het 'n **preekgeleentheid** beskikbaar vir **19 Desember**. Vergoeding sal vir die preek, reiskoste en tolgelde betaal word. Kontak asseblief Mischa Slabbert (skriba Witrivier) by 074 121 1556 of Henriëtte Korf (sekretariële beampte Witrivier) by 060 635 4706 of 013 750 2259 (weekdae tussen 07:00 en 12:00).
- Die gekombineerde gemeentes **Belfast en Waterval Boven** het **preekgeleenthede** beskikbaar gedurende **Desember en Januarie**. Vergoeding sal vir twee preke, reiskoste en tolhekgelde betaal word. Kontak mev Anita Booyse (skriba Waterval Boven) by 072 590 1052.

## Vergaderings

- Donderdag 18 November: Kommissie van die AKV Legitimasië
- Vrydag 19 November: Kommissie van die AKV

## Kerklieke publikasies

- 'n Mens se siel word ingekleur deur die kleur van jou gedagtes – Marcus Aurelius (Romeinse keiser en filosoof). In die **2021 Lente-uitgawe van Vroueflitse** sluit die NHSV die jaar af met twee opbouende artikels met praktiese raad gemik op geestesgesondheid. *Is jou inspirasie-fles laag?* **Ds Annerie Conradie** het die antwoord met 'n inspirerende artikel oor die motiveringspreker Nick Vujicic en die uitdagings wat hy te bowe moes kom in sy lewe,




gebore sonder arms en bene. **Ds Janine Bevolo-Manders** se artikel *Konflikhantering* is 'n terapieessie gemik op alle ouderdomme en alle tipe verhoudings. Niemand kan konflik vryspring in ons alledaagse lewe by die huis, werk en kerk nie. Ons moet onself toerus sodat die konflik wat blokkasies veroorsaak in ons lewens, reg hanteer word deur praktiese stappe – sade van vrede wat ons saai – te volg vir die hantering daarvan, die verligting wat dit bring en hoe ons dit toepas in ons verhoudings met ons gesin, familie, kollegas en vriende. Volg die skakel <https://nhsv.org.za/publikasies/>




## Toerusting

- **NIMSA-konferensie & Algemene Jaarvergadering**  
**Dinsdag 30 November 09:00-13:00 via Zoom**  
 Tema: Die beroepsproses  
 Aanbieder: Dr Frederick Marais  
 (Network for Interim Ministry in SA)  
 Registrasieskakel: <https://qkt.io/NIMSA>  
 Navrae: Dr Hannes Janse van Rensburg (Voorsitter: NIMSA)  
**HannesSGB@nhk.co.za**  
 082 927 3700




Departement van Teologie  
in samewerking met die



NHKA  
NEDERDUTSCH HERVORMDE KERK VAN AFRIKA

### Diploma in Bediening Deeltydse studies

Ten volle geakkrediteerde kwalifikasie: NQF Vlak 6  
SAQA ID: 96454; aantal krediete 379; 5 jaar deeltyds



**Toelatingsvereistes**  
 Nasionale Senior Sertifikaat met toegang tot diplomastudies, of gelykwaardige kwalifikasie

“Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk.”

**Inskrywings vir Januarie 2022 open 1 Oktober 2021**

*Maak 'n verskil in die Koninkryk van God*

Navrae: Ds Bouwer Serfontein  
E-pos: [ministry@skillspro.co.za](mailto:ministry@skillspro.co.za)  
Selnommer: 082 339 7854

## Studentesake

- **Studentebehuising vir 2022. Gemeente Philadelphia** verskaf aan studente veilige behuising op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.
- **Gemeente Potchefstroom-Studente** wil graag kontak maak met al die eerstejaars wat in 2022 in Potchefstroom kom studeer en meer inligting aan hulle deurgee. Ons wil elkeen uitnooi na die eerstejaarskamp, kontak hou deur WhatsApp-boodskappe, ensovoorts. Voltooi asseblief die inligtingsvorm by <https://forms.gle/qZZrekn4VbZ6GFzH6> of skandeer die kode.



- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Gemeente Stellenbosch** versoek alle voornemende studente aan die Universiteit van Stellenbosch om jul inligting aan die gemeente te verskaf. Ons sal graag daarvan wil kennis neem en julle ook uitnoui na ons Aanvangskamp vir 2022. Kontak dr Chris le Roux by 079 495 3239, of [stellenbosch@nhk.co.za](mailto:stellenbosch@nhk.co.za).

## 'n Gedig

### Nagliedjie

As jy, voor jy na bed gaan,  
die kamer binnesluip,  
'n rukkje langs die wieg staan  
en kyk en droom en kyk

– ná al die helder ure  
se pret en klein verdriet  
is hierdie vrede smetloos  
en suiwer soos 'n lied –

vermy dan die gedagte  
wat snel, verraderlik,  
soos vuiste in die donker  
jou gorrel styf toedruk

aan koue, honger kinders  
wat teen mekaar vasskuif,  
hul slaap 'n see van angste  
waarop hul eindloos dryf . . .

Vermy dan die gedagte  
en vou die dekens dig:  
'n Kind in sterrenagte  
is teer soos sterrelig.

### Elisabeth Eybers

(Uit: *Elisabeth Eybers: Versamelde gedigte*,  
1995)

## Konserte en feeste

- **Gemeente Horison Roodepoort** bied 'n **Kerslig-sangaand** aan op **Saterdag 27 November om 18:00**. Bekende sanger Mathys Roets tree op in die kerkgebou in Georginiastraat 34, Horison Roodepoort, waarna 'n driegangete in die kerksaal geniet word. Kaartjies beloop **R130 per persoon**. Vir navrae en besprekings, kontak dr Gerhard Nel by 082 8235 074 of [gnel074@gmail.com](mailto:gnel074@gmail.com).

## Barmhartigheid

- **NHSV tak-jaarverslae**. Sporadiese inperkings in 2021 as gevolg van Covid-19 het steeds 'n impak gehad op die normale funksionering van die NHSV. Die Hoofbestuur moes noodgedwonge wéér die tak-jaarverslag aanpas en daarom is dit vanjaar baie korter. Let asseblief daarop dat takke hul besture se besonderhede volledig moet invul sodat ons dit kan vergelyk met ons databasis. Verder wil ons graag weet of daar wel vergaderings, byeenkomste en fondinsamelings plaasgevind het. Antwoord slegs JA of NEE. Vir die



Hoofbestuur is die inligting in die tak-jaarverslae van groot waarde. Daarom wil ons weer eens 'n beroep op takke doen om dit in te vul en **voor 30 November** aan hul streekvoorsitters te stuur. 'n Opregte woord van dank aan die besture wat só getrou die verslae invul. Laai die dokument [hier](#) af.

- **Athalia Uitreik in Bloemfontein**  
**Verblyf vir en versorging van bejaardes en gestremdes**  
Enkel- en deekamergeriewe in 'n huislike atmosfeer  
Verblyf met 3 etes ingesluit  
Verblyf sonder versorging R1 700 per maand  
24-uur-versorging onderhandelbaar  
(maksimum R8 000 per maand deekamer)  
Navrae: 079 826 6363 / 084 023 0315 / 051 522 6089  
[navrae@athalia.co.za](mailto:navrae@athalia.co.za)  
[www.athalia.co.za](http://www.athalia.co.za)
- **Ons Tuis Emily Hobhouse** is die ideale tuiste vir persone wat nog selfversorgend is. Tans is daar eenslaapkamereenhede te koop teen R364 348 en R377 472. Dit is in 'n gevestigde, boomryke area met 'n lieflike berguitsig. Kontak mev Hannelie Fourie by 012 325 1857 x216 of [HannelieF@otmt.org](mailto:HannelieF@otmt.org).
- **Machteld Postmus-behuisingskompleks vir bejaardes** in Brooklyn, Pretoria, het 'n **tweeslaapkamer-woonregeenheid** beskikbaar by Frans Boshoff. Dit is Woonstel 3 teen R485 000. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**  
Kieserstraat 126, Rietondale  
Een enkelwoning te koop teen R510 000  
Een eenslaapkamerwoning te koop teen R515 000  
Een 1½-slaapkamerwoning te koop teen R520 000  
Een tweeslaapkamerwoning te koop teen R560 000  
Een tweeslaapkamerwoning te huur teen R6 500 per maand  
Navrae: Beulah du Plessis by 082 847 9544  
[Seniordalpta@gmail.com](mailto:Seniordalpta@gmail.com)



## Allegartjie

“Hy was ses jaar oud, 'n seuntjie met limfoomkanker. Die dokters het vir sy ouers gesê hy gaan dit nie maak nie. In dié tyd het mense dikwels vir hom stories gelees. Woorde het sy veilige plek geword, 'n wegkruipplek. Hy onthou hoe hy later leer lees het, die woorde hardop begin klank het. *Een keer het my stem sagter en sagter geraak en ek het opgehou praat, maar die stem het aangehou. Ek onthou hoe opgewonde ek geraak het, dit het vir my gevoel iets magies is aan die gebeur. Ek het vir my ma gaan sê ek lees in my kop, en sy het gesê, ja, dis wat mens doen, Damon.*” (Damon Galgut, wenner van die Booker-prys, in gesprek met Hanlie Retief, in *Rapport*, 14 November 2021)

## Fondsinsamelings

- **Kersmark Vrydag 26 November 17:00**  
Kokerboomstraat 16, Kathu  
Kom geniet braaivleis en slaaie  
Varsgebakte koek en tert  
Klein koekies en beskuit  
Pannekoek en vele meer  
Navrae: [waldopretorius@gmail.com](mailto:waldopretorius@gmail.com)
- **Gemeente Oos-Londen: Word 'n affiliaal van Nguni Gifts**  
Verdien 2- tot 7%-kommissie  
Befonds jul gemeente se bediening deur verwysings  
Stuur 'n e-pos of WhatsApp-boodskap om jul gemeente aan te sluit  
[larry@nguni-gifts.co.za](mailto:larry@nguni-gifts.co.za)  
WhatsApp 072 020 8911

### Betaalde advertensies in hierdie nuusbrieff

Die koste vir advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

Meer besonderhede oor advertensies kan aangevra word van [produksie@nhk.co.za](mailto:produksie@nhk.co.za).

### 'n Gebed vir Ewigheidsondag

Ons dink aan almal wat treur  
oor die verlies van 'n geliefde.  
Wanneer die smart so naby is  
dat dit hulle verlam,  
o Heer, sal U hulle vertroos?  
Wanneer hulle alleen en verlate voel,  
mag U hulle ontmoet in die deernis van ander.  
Wanneer hulle U verwyf,  
en hul gebede stom raak,  
Here, verseker hulle  
dat u Gees oor die ganse skepping sug,  
en dat Christus vir hulle intree.  
Amen.

(Church of Scotland)

(Afrikaanse verwerking: Tessa Oppermann)